

CARISSIMO PATRI MIHIQUE CUM NIMIO HONORE VEL AMORE NOMINANDO NŌM. EPISCOPO EGO 798  
ILL.<sup>a</sup> FIDELISSIMUS FILIUS VESTER PER HOS APICES IN DEO PATRE ET DOMINO IESU CHRISTO  
OPTAMUS VESTRAE PATERNITATI SEMPITERNAM SALUTEM.

Gratiarum actiones<sup>b</sup> vestrae almitati devota mente persolvimus pro omni bonitate,  
5 quae erga nostram parvitatem vestra sanctitas incessanter inpendere dignatur; maxime  
pro sacris orationibus vestris, quas pro nobis Domino fundere, ut confidimus, non  
dedignamini. Mellifluos apices vestros et omni honore dignissimos suscepimus. Quos  
perlectos ex parte nos laetificaverunt et ex parte tristes reddiderunt, eo quod eis  
indicantibus vestrum intelleximus laborem de infirmitate corporis vestri<sup>1</sup>. Sed quid  
10 melius nisi secundum apostolum libenter gloriemur in infirmitatibus nostris et alibi: 2. Cor. 12, 9.  
'Quem enim diligit Dominus corripit, et quasi pater in filio conplacet sibi'. Prov. 3, 12.

De itinere domni regis nihil certum audivimus nec speramus, ut sic cito debeat  
se promovere in illis partibus<sup>2</sup>.

De causa vero vestra Domino volente, sicut vobis ore proprio condiximus, certare  
15 abemus ad utilitatem nostram communem in Domino. Non oblitus ero tui, dilectissime  
pater, nec de tuo profecto, in quantum Domino miserante valeo, omnibus diebus vitae  
meae. Non obliviscaris mei, sanctissime pater et fidelissime amice, tempus in omne  
tui. Sit Deus adiutor noster<sup>c</sup> et hic et in aeternum. Amen, amen.

## 152.

*Angilbertus abbas S. Richarii Centulensis Arnoni archiepiscopo Salisburgensi respondet*  
20 *de eius ad Carolum I regem accessu.* 798.

*Codd. S fol. 198'.*

*Edd. Frobenius II, 563, Jaffé Biblioth. IV, 367. — Migne CI, 1319.*

FILIUS FIDELIS NŌM. SANCTISSIMO PATRI MIHIQUE CUM NIMIO AMORE VEL HONORE  
NOMINANDO ILL. EPISCOPO SALUTEM.

25 Inmensas gratias omnipotenti Deo IIII. Idus Augusti retulimus, cum epistola Aug. 10.  
vestra indicante vestram cognovimus desiderabilem sospitatem et laudabilem felici-  
tatem, testis mihi Deus est, quam indesinenter audire et videre desidero.

De hoc vero quod petistis, ut diligenter tractaremus, quomodo vos agere de-  
buissetis, idcirco certam rem<sup>a</sup> scribere vobis non valeo, quia incertus adhuc maneo de  
30 reversione domni regis. Tamen non videtur nobis necessarium longius vos ire obviam  
ei<sup>3</sup>, nisi usque ad Renum, excepto si iussio eius ad vos non venerit.

De conloquio autem nostro scit omnipotens Deus, quia omni desiderio desidero  
faciem vestram; et spero, quod utrisque proficiat, si ante loquimur insimul, quam ad  
domnum regem veniatis. Tamen si hoc debet esse ante nativitatem sanctae Dei gene-  
35 tricis Mariae, quae est VI. Idus Septembris, tunc necesse est, ut usque ad nos vestra Sept. 8.  
sanctitas declinetur, ut et orationem fruatis<sup>b</sup> in Domino in ecclesia sancti Richarii,  
intercessoris vestri, et caritatem fraternam impleatis in nobis; quia nos valde necesse

151. <sup>a</sup>) ill. *erasum est.* <sup>b</sup>) actionis *S.* <sup>c</sup>) nŏt *S.*

152. <sup>a</sup>) certa rem *S.* <sup>b</sup>) an faciatis? *J.*

40 1) Cf. *infra* epist. 158. 2) Si ad iter Saxonicum haec pertinere coniciendum est, utrum Angilbertus  
profectionem an reditum dicere velit non liquet. 3) Arnonis ad Carolum iter, de quo et superiore ep. 151  
et hac agitur anno 797. propter archiepiscopalem dignitatem factam esse existimaverim, qua sequenti anno  
798. Romae approbante Carolo Arno a Leone III donatus est. *J.* Ego potius reditum eius domum An-  
gilbertum dicere velle suspicor.